

舒

蓺

室

詩

存

舒欽室詩存三

南淮張文康公

復過露莖丈

又隨春燕到君堂
但把新詩子細商
莫向導前論平世
事海風吹雨忽蒼茫

官軍收復乍浦

羣虜翻然去
奚煩一矢加
全城瀕斷火
幾輩尙完家
白骨羞橫草
紅顏慘落花
流亾何日復
況未斬長蛇

紀事

森嚴壁壘甲光寒
蹌口頻年靜逆湍
豈謂軍中來魏絳
翻令隴上失陳安
長城兩浙錢刀貴
獨木三吳砥柱難

見說捷音爭瞬息至今父老涕洟瀾

三年設險重紆籌要害何人撤上游駭礮頻驚黃歇浦
憑城蚤具趙嬰舟鯨鯢有窟行逾肆雞犬亾家竟孰投
怛悵流離諸雁戶可能無意稻粱謀

五昔城內少炊烟巷陌蕭條靺鞨鮮罵座深宵猶擊柱
分曹白晝競攤錢往來負殼蝸潛槁剝啄空倉雀亦憐
寄語嗷嘈多戍卒彝氛較遠但安便

市舶更番集懋遷當關封豕久垂涎憑誰更覆盤中劫
竟欲平分海外天忍棄雄城如破甑狂思擊楫效先鞭
同仇只有袁公壘不獨當時恨水仙

南城晚步

笠屐閒登眺昏昏海氣橫笙歌何院落前日是空城

訪釋

妙塵

不值題壁

曲折朱闌粉壁遮團瓢雖小亦風華鐘魚未靜佛無語
門對一溪紅藕花

一劍難酬國士知春愁剗盡綠楊絲空花滿眼休相著
吟到風清月曉時

天馬山下人家

山家纔百室結屋近陂塘避地饒遷客攜鋤獨老畊妖
氛連泖浦妙舞自村莊漁父休迷路桃源未足方

郡城雜感

幸未罹烽燹熙娛復舊觀親朋驚聚散里巷雜悲歡滅

賦由

明主催科在長官無良羣盜賊莫更起兵端

重九後一日招露荃丈郭

福衡

游橫雲天馬諸山

春秋佳日無不有何必登高定重九登高客散我輩來
扁舟只與山徘徊持螯把酒老狂發柘澤便築糟邱臺
郭郎不飲亦舉盃麴生詫爾真奇才橫雲如雲嬾不起
絕倒平原好兄弟彝踪昨犯泖湖濱尙有餘氛浣烟水
縱火豈患無東風一炬信足成奇功長鯨掉尾自出入
小哉赤壁羞英雄我欲排空蹴天馬頑石難鞭眾山啞
平津遇合空爾爲薜沒干將不堪把劃然長嘯青松林
天風吹作鸞鳳音一弓明月照歸櫂醉聽兩岸秋蟲吟

贈郭

福衡

瘦郭多才思聰明我獨憐拈毫渾得意脫口卽能傳境
窄心仍泰神凝道乃全春華易爲好落實在秋天

虎邱

木葉蕭蕭下劒池千人石上坐移時山塘盡日無游客
弔古荒寒自詠詩

滄浪亭

去秋揚威
將軍駐此

城隅勝地闢林泉駐節征西憶去年綠酒紅燈能幾度
荒灣野水故依然風雲易幻真如戲魚鳥忘機別有天
醉倒亭中蘇學士清纓濁足任諸賢

潛園

竹石亭臺古意存灌園微旨屬兒孫西風作雨羣芳歇

寒菜一畦香到根

題姚

以煌

梅屋祭詩圖

殘臘欲盡東風知淑氣散作瓊瑤枝蘇髯祭罷司命醉
喚賣不去惟詩癡窮年嘔盡錦囊血酬功合以金屈卮
長江舊例自可仿蘸筆試擬迎神詞仙耶聖耶逮妖鬼
取長捨短皆吾師偁觴鞠脰奠椒醕酸寒不顧臞仙嗤
野藪山穀諒無怒朱門梁肉神所辭嘲風弄月造物忌
懺悔或仗神扶持但願年年好天日佳句倍獲枯腸思
夢中授我五色筆更乞賸錦如邱遲低頭默禱神不語
香篆靄結雲絲絲催逋有客笑門外散福先索梅花詩
由拳東園曹慈山詩所謂舊業溪東五畝居者也

產鶴亭在焉今園屬汪氏癸卯仲夏偶游有感

叢蘭無語竹傷神

慈山工寫蘭竹

文采風流孰寫真含笑蜀葵

階下立薰風盡日醉汪倫

主人沈湎於酒

紅牆黯淡小山隈山下平池一鑑開昨夜微風蓮葉動

半亭涼月鶴歸來

彗孛長一類也西學謂火氣爲太陽天所攝結而

爲旱散而爲風道光癸卯二月長星出西方累

月已而大風大旱是歲饑黃河再決斯其占與

作詩以識

長星本彗屬地上乾熱氣攝於太陽天兩火炆相濟曄
曄夜有光如星在空際旱魃豈曰能感召自有義散入

冷帶中颶風更爲厲此論或不誣初自泰西利五行與
天文史臣志災異徒令占驗家紛紛引成例頻年太白
動兵頓吳越地有司急征調誅求到骨髓盜賊晝攫人
不敢聞大吏時時風鶴警身家等兒戲遠邇尙知
恩帖耳遵撫議今歲滄波平稍稍安活計辛苦望西成
誰知竟虛器兵凶固相因民生已凋敝比聞中牟河橫
決若鼎沸沒者勿復論存者堪悲涕天道遠難測人事
宜調劑上當振綱維下則除宿弊去莠良自安崇賢佞
斯廢大和所翺洽足以消沴戾保章爾何官入告慎毋
替

吳漢招同堅香先生泛鶯脰湖登平波臺

白蘋紅蓼裡著此數間鷗小艇漁師長平臺水國秋菱
歌魚解聽茶話佛能閒簑笠吾家事天隨亦舊儔

通濟庵贈

祖州

一角小圓庵迴與塵市隔間道梅花時時來聽琴客
詩僧厭哦詩風竹自成籟清晝一蒲團遙山靜相對

月河女

娉婷月河女絜白好容華侵晨整梳裹高髻堆黃花擔
水向遠邨水溼鞦頭鴉淘米煮早餐攜鋤耕算霞俗儉
事操作豈必皆貧家陌頭多大風觥輪動咿啞君看車
中婦滿面吹塵沙

挽船謠

言不三
河底一尺水河面萬斛舟十夫力推挽轆轤轉船頭三日候潮潮不起昨行一里今半里昨日東北風今日東北風天公雖厚意失勢淤泥中窗中官人坐歎息躁罵榜師不用力榜師沾酒迴勸客君不見江潮連天離咫尺

由焦山門進泊金山下

海潮入江江水渾東來直走焦山門兩厓夾峙爭一束水石怒激雄濤奔長江鐵鎖鎖不得片帆劃破蒼烟痕乘風忽已抵浮王金碧晃蕩明朝瞰桅檣如薺徧南岸銀山鐵瓮遙相蹲波瀾漲空天地合日月倒影魚龍吞東南形勢此最勝釜底那使潛游魂雄姿英發浪淘盡

劫灰餘燼今猶存欲言往事舌莫捫白鷗飛起蘆花根

獨游江天寺戲題

江水瀉不盡天花開曼陀全山都入寺片石獨淩波謂石
樓閣空中現風濤定裡多蒲團此何地無處著東坡

再游江天寺訪朝陽洞

霽色初開散午齋重尋僻徑騁幽懷路通崑竇中間窄
山到樓臺缺處佳盡日洪濤喧亂石千年古柏立寒厓
昆明習戰當時事莫放江波更入淮洞左卽操江樓

韓蘄王祠

威容千古肅江濱桴鼓當年轉戰頻玉帶紅袍逃虜帥
白波青嶂笑王臣渠通老鶴天疑醉夢醒騎驢事豈真

回首英雄餘恨在清涼居士此前身

露筋烈女祠

荒洲數畝徧漁家隄畔靈旗集算鴉四面寒波綠楊柳
寸心明月白蓮花消磨不盡身常在宛轉須臾玉有瑕
知否千秋如一夕腥臊無事薦魚蝦

皂河曉發

前車出深林後車駐林外月落大河橫繁霜滿騾背

下邳懷古

擊秦嗟一蹶亡命欲何之能悟老人意遂爲王者師臨
機宜早赴強忍莫先時我亦步游客長吟白也詩

軍中偶成

蓋圓以象天軫方以象地而人居其中局踣百無計南
土多淤泥況值雪新霽陷淖輪初掀遇坎柅復繫有時
九天升有時深谷墜過涉頂欲滅濡尾汔始濟我身如
穢秕顛簸不可避南人便舟楫車馬非所暨平生習安
閒口腹恣無藝連朝事征途坐覺百體敝五更冒霜寒
卯酒遑復忌朔風慄毛髮強效新嬾閑逐逐塵沙間終
日如夢寐晚投土舍宿硬餅及麤糲舉箸噉已作腥穢
雜諸氣舉以畀車夫甘若噉異味人生何能否但眠夙
所契服勤漸忘辛逸豫每自蔽古人戒虛車毋以勞自
賁

自邳州至礪頭山行有作

渡江千里不見山眼明忽覩雙雲鬢冒寒侵曉輟帷幕
相望所惜難躋攀興夫慰我看山目得得驅騾向山麓
初行犂碕滯車輪旋覺嶮峻礙騾足一山過處一山橫
入耳不絕鏗訇聲尻輪顛簸髀骨痛反恨壘塊何時平
近山始識真山面禿髡頽然何足羨愛山轉復厭山多
君不見翻覆人情日千變

騾車謠

鐸郎當車轆轤一程過一程續隴坂長人心速日暮天
寒鞭影促騾兮騾兮蝸負殼來牛去馬交路隅利名牽
絆亦類渠而我兩者皆弗如胡乃僕僕同馳驅郎當轆
轤騾亦吁

東阿道中

烟暝雨微茫歸鴉笑客忙鈴聲催下阪鞭影度高岡
眾岫旋迴合寒林轉鬱蒼蹇驪休駐足前路欲昏黃

河閒獻王祠

漢家十世多驕王淮南好道猶危亾夫惟大雅故卓爾
一代學術開天潢秦灰乍燼眾儒出各守師說徒張皇
王也大開獻書路蒐羅善本徧四方首爲毛左立博士
遠勝齊魯韓公羊七十子亾大義在六藝散佚賴表彰
雍容禮樂務實事斥絕浮辯紛披猖當其來朝獻雅樂
意與雅頌同鏗鏘二十四卷記親定再傳所惜無能詳
三雍之對亦已眇古制旣闕疇津梁楚元傳詩僅先導

後啟沛輔東平蒼經明行修號儒者於聖豈特云升堂
大行議諡諡曰獻易名典故殊尋常宗室諸王奉儀表
世澤尙及來孫良此閒四縣戶數萬學道應比弦歌鄉
日華宮中聚賢俊想見郁郁羣冠裳千秋廟貌肅崇祀
赤芾金舄輝文章晚風驅馬一回首六星東壁遙騰光

扁鵲墓

扁鵲有名言治病及腠理非能生死人當生能使起所
以醫國手毋使入骨髓方其游歷國手到病輒已後來
孔孟徒栖栖莫奏技古今六不治自謂勿藥喜旁觀偶
相誠憂天笑如杞諱疾疾漸深扁鵲亦逃矣術高鬼所
瞰機隱眾難擬李諡誠知君毒謀試一匕斯世無斯人

咨嗟過蒿里

曲溝客夜

斷夢迷離記不清殘鎧影裏數寒更長嘶櫪馬如相語
明日京華止一程

固安道中

薄酒微醺又著鞭朦朧淡日汴林烟雲垂廣漠將成雪
馬蹴黃沙欲上天在道忽驚三節屈卸裘應及一陽先
飢鷹側翅緣何事腐鼠寒鷗滿野田

十一月十五夜對月

薄霧冥蒙朔氣團天高北極斗闌干
三千里外同垂照十二回圓近小寒

京師北極出地較江蘇幾高九度是歲閏七月
凍合空庭

簾半捲霜濃梵宇漏將殘南鴻到日春歸未更向窗前
望玉盤

都城雜詩

京師萬人海風雪一茅庵車馬前門盛笙歌北里酣

前門左右多
優伶倡家

近游安健步宴笑劇清談磨滅懷中刺君

知七不堪

朱門當大道轂擊人肩摩亦有巷無馬居然雀可羅苑

枯隨轉燭憎喜眾焚和見說將軍樹新來又斧柯

變理資元老承宣在百僚押班春賀節待漏曉趨朝暇

日銀臺靜微風玉佩搖太平欣有象氛祲況全銷

委蛇初退食營色暫忘機浮世同今古登場孰是非諸

郎魁菊部公子慕萊衣把盞休辭醉當筵禮數稀
祿利趨朝市羣材共躍鱗濫吹原屬命投暗漫尤人落
魄黃金盡栖遲白眼嗔相逢下車揖回首六街塵
借問長安道清閒得幾人無才甘未寔壯志久因循醉
後時畱佩歸來偶折巾金吾漫相詰爛漫恕天真
我愛長安好隨宜百物便肥牛初出炙白菜不論錢但
飲中山酒毋吟寶劒篇誰云居未易直爲利名牽
一院三弓地能容恰數人飽歸鸞安樹習熟犬迎賓白
紙糊窗密黃泥蓋屋新御冬堪卒歲況已入新春
舊閭燕地冷氣暖獨今年日轉姬觜次冰消澤腹堅西
山待游屐北口倚吟鞭爲訂探奇客春風在馬前

世事真難定吾悲錢仲文錢通守熙祚以甲辰正月病故長途赴京國
一夢幻燕雲修短非無命幽明此遽分同來如朔雁悵
悵忽離羣

歲晏遲游興春來興已闌存亡歸計決進退客程難事
至人情出思窮友誼安寢門重躑躅痛定一汰瀾
暫住非濡滯歸期得少畱尋春聊遣日對景忽如秋遠
見西山色翻添北渚愁槐黃忙舉子漸欲事車溝
時平人意樂歲美物華新爆竹連元夕風箏值數緡乘
軒看過鶴行地盡成麟咤歎溝中瘠飢寒并一呻
四月都城住臨岐動別愁抵家過孟夏來日記深秋鍛
羽悲黃鵠無心信白鷗強臺誰直上潞水向南流

贈別凌厚堂

棹

九衢車馬日紛紛
誰向經師片席分
抉摘苞符通漢易

研覃緯候撥秦焚
更無徐淑知秦掾
君前室安孺人璿

君所撰德喜有桓譚識子雲
君極口錢通守所輯守山

隅子作注相約秋風踐歸計
君將歸扁舟茗雪好尋君
之井作

有寄

請劍風裁迴軟羣
平生恨未識朱雲
白鷗浩蕩黃塵遠

鱸膾香中夢見君

放鱉

阻風夏津道一日三泊船
鄉村陋且僻無物充晨餐
庖

人持鱉至團團大如盤
其甲雜青黃而首巨且斑
得非

河伯使魚服遭網塞衛河湧千里遠自蘇門泉中合滢
洹淇二漳同一湍東北趨渤海汝也隨其閒想當鼓洪
流潰沫成波瀾長驅浴鰓渙詎復知魴鰈一朝落人手
那免魚與燔憑依恃外物失勢徒蹢躅不見雲中龍噫
氣同往還自謀苟能臧豈至遺後患張目首頻舉似亦
通人言老饕顧之笑殼鯁殊可憐趣命捨渠去逆流返
其原不然化黃能遜迹清冷淵慎勿觸豫且入夢誤宋
元庵人义手語舟師復忻然或云兩裙肥所惜得此難
或云放生德回風庶由天一笑且呼酒尙有魚尾鮮

臨清道中

彎環沙斥又斜陽難得東風片席張錯壤晉齊原屬衛

交流汶御勢兼漳
聯鑣宴笑衝殘雪
歸櫂淒迷徧綠楊
此去長河更千曲
那堪尊酒入迴腸

臨清新城文昌祠後殿
下有明方元煥三忠殿
碑記三忠者蜀漢關武安唐李西平宋岳忠武
也今殿改祀文昌先世按張惡子史傳無徵俗
重文昌祀惟司祿一事乃妄撰十七世化身始
末混人鬼爲天神又廢古祠以崇淫祀詭比於
啟聖何其悖耶慨之以詩

天神人鬼詎相當
謬亞尼山祀戴匡
文士但知司祿貴
星精未免閤人忙
孤忠先後齊關岳
再造功名冠李唐
世系何從徵惡子
殘碑無語殿除旁

阿城別有感

安民在知人忠佞豈難曉應機不立斷事過神反擾吾
愛齊威王勇決千古少一鳴信驚人去惡如折槁穢舟
古阿城故迹訴遺老濟水此伏流舊井封碧草鉤吻充
黃精雁鼎世其寶良無洗眼泉瀆辨徒自翔未聞渾河
流能以寸膠了

蚩尤塚

京觀荒涼土一坏凶黎絕轡應龍回乘時風雨同妖亂
失勢兵戈盡劫灰鬱鬱喬山明德遠悠悠汶水白波來
銅頭鐵額成何事絳帛奚煩論眚災

去春長星見有
指爲蚩尤旗者

泛蜀山湖

野寺依卷石清流淺可划游情紛柳絮客思冷蘋花勃
屑村姬拜嘔啞惡少譁遙山堪矚眺入耳任箏琶

登任城太白酒樓放歌

滔滔汶水東南流西風吹船泊濟州夕陽欲落猶未落
褰衣徑上城南樓城中當年寄酒星時時攜酒游南城
危樓崛起高百尺隔河遙對青山青老龍分水樓邊戲
告我地形南北異若從南旺踞高岡尙見樓岑在平地
曹洲南旺分水處平地與此樓岑齊林森森兮綠玉環水漠漠兮沙鷗閒
雲車風馬恍惚而來下極目疑是徂徠山徂徠之山不
可度萬象旁羅迴薄葺修眉一一浮遠天錯落翔鸞駐
烟霧東飛一鶴去不回千年接迹誰尊壘閭閻佳氣自

茵鬱下顧俗世真塵埃樓前何處射戟臺抨弓一發呼
如雷迄今故迹成蒿萊仙人笑口開英雄豎子
皆庸才金波任城酒名之酒初醲醅與君一醉三百杯纖阿
蚤跨冰輪來

發濟甯至韓莊雜記

守牖憶柳林祛愁陟隴阜舉目見遙山出沒雜蒼黝一
髮尤纖微令我凝睇久舟行小長溝螺髻堆左右有如
寤寐交一見成故友偕我過任城時時勸尊酒昨行在
我前今忽在我後又如同心人臨別意逾厚安得夸娥
子隨人挈之走迎面忽烟巒當船復探首

爰過任城牖

今作在城牖字形相近而誤有元僉時中任城東牖記可證

山色何離

離其東浣筆泉

泉自任城縣東南二里入運河

南會洗硯池

魯橋橋下

池俗名硯瓦溝

墨花所濯注漕運亦以資大哉聖人力濟物真

無私言至仲家淺頰首仲子祠農桑安孝養負米風未

漓五里抵師莊云是顓孫遺何爲鴛鴦冢

師莊有梁山伯祝英臺墓

蓋附會小說

豔傳連理枝聖門豈有是俗說殊堪嗤不如對

遙嵐有酒斟酌之

導沂自尼山導泗自陪尾合流兗城東入運魯橋底洩

洩赴南陽百愁寬一喜昭陽葦冥冥獨山波瀾瀾斥北

白鳳凰東西互假倚

獨山湖北斥有白山鳳凰山東西山

遙瞻滕嶧聞

參差眾峰起窺靄鬱森林微茫隔烟水好風自東來行

行若相抵邇迴迴凝望惟恐此景徙辛苦負舟人邪許

言不三
聲不已

昭陽既蹶潯獨山漸沮洳沙河入彭口外盛中已淤具

文眊冬挑異漲民其魚向晚鄱山邨恰值雷雨餘羣峰

如美人膏沐相軒渠臨風倚廣袖白雲時卷舒巨浸浩

無涯歷滕嶧沛徐竟曹十州縣眾水此所潴微山湖界

之中周百八十里受鄱城嘉祥魚臺金鄉微山峙中流

城武曹州定陶壽張曹單各州縣之水卓絕宜幽居留侯既仙去蛻骨存遺墟黃石與赤松望

古徒褰裾

曉發抵韓莊面面環疊嶂偃蹇牛服箱嚴肅馬立仗避

人遮便面窺客設步障鵲峙若傲睨雁行如退讓縣縣

顯殊態雜沓出詭狀秀色入蓬牖拭目疲眺望長河挾

眾水建瓴勢絕亢，牘隘風阻之急。酒爭一放水，師力牽挽絕叫。聊自壯神駒，脫銜勒飛騁不可防。去聲柰何非鐵舟底與沙石抗，稍定失羣山兩屜。屹相向客愁來無端，徒聞榜人唱。

中河道中讀靳文襄治河方畧偶題

更鑿中河接阜河，飛芻從此定風波。
朝廷專任時非偶，前席虛衷好豈阿。
漕轉會通韓尹重，功成戴壩白英多。
憑他眾口騰疑謗，千古遺書已不磨。

淮陰侯祠

六尺飢驅寄食難，從容胯下市人看。
千金淚洒王孫飯，一劍雄飛上將壇。
震主奇功鍾室禍，封侯幻夢釣臺寒。

不知漂母祠前路過客於今孰似韓

毛惜惜祠

惜惜宋營妓紹興時高郵守城別將桀全以城叛降金惜惜責以大義不聽罵

賊被殺土人祀之南坡爲英烈夫人

此亦青泥不染身露筋祠外又真真龍騰百寶將軍劍
不殺金人殺美人

呈儀徵相國

瓣香卅載切欽遲眉宇初忻見紫芝夾袋人才真宰相
還山面目舊經師團團霽月明無極藹藹春風坐不知
好學崇儒猶昔日進修三復衛公詩

滇池越嶠久封疆投老黃扉鬢已霜早歲功名傾海國
暮年懷抱異江鄉感邀明詔時存問忍乞閒身便退

藏間道雙松泉石

相國所居齋名畔蒼生猶自費平章

通儒名世兩兼難鉅集煌煌幾續刊手訂尙將新彙易

人閒久作古書看傳經四世天倫樂歷仕三朝政績

安遠溯文貞

安溪相國近文正大興相國他年青史庶齊觀

鴻雁隨人爲稻梁荒蕪舊業待更張辭華學業期徵實

文苑儒林漫較量精舍頻年瞻許鄭選樓今日訪蕭梁

雲亭問字平生志敢向門牆署末行

毘陵訪繆

徵甲不值寄懷時君客淮陰

一星僂指數離懷勞燕何期信又乖心似閒雲歸不得

更隨江水溯長淮

秋暑

秋暑方憂旱勢張
夜間風雨更愁腸
人閒正有無衣客
未要天公剗地涼

十月

小雪已過大雪來
南風三日桃李開
今年天旱寡零雨
十月電光鳴鉅雷
寢覺被池苦潮溼
坐間簷溜相橫去
催蟲聲薨薨爾何事
得意似喜陽春回

奉和儀徵相國北湖萬柳堂別業原韵

艸堂偶襲野雲名
大勝紅塵紫陌行
無志烟波溫舊夢

忘機鷗鷺狎人聲
從來水國宜清夏
公視時堂之定香亭

有定香亭況此漁鄉樂太平
地爲宋淮南東路三十六

陂園畫裏火城回
首不勝情公京師萬柳堂詩有

如水臣心不起波歸耕樂事付謳歌和風曉長千畦稻

好雨時翻萬葉荷趙松雪盧疎齋集萬柳堂歌驟雨打新荷曲黃鳥亦知岑

蔚止珠湖草堂舊有黃鳥今竟有鶯巢游魚還聚綠陰多依然贊化調

元手能使羣材自濯磨

畫入耆英誰得似須眉漫託柳漁圖公以清湘道人柳漁小幅為柳湖第

四通經足用真才出絕學將微大雅扶四海蒼生思碩

輔五車著述彙羣儒潞公壽考溫公望謝傳奚論邵伯

湖地與邵伯球相對

此閒真有滄洲趣見趙松雪題萬柳園圖飯稻羹魚更看花嫩綠

千絲疑列幄鬧紅一舸豈浮家先憂後樂瞻風度頤性

延齡頌日華公八十歲願性延齡四字賜壽尺幅清湘聊寄意

幽情漫擬竹中茶

送凌厚堂歸吳興

春風酒一盃送我別燕臺爲道茗溪月喚君歸去來青
山偕隱計白首著書才真踐扁舟約杏花今又開

山館孤燈裡相逢話舊深許身千古事知己九原心錢謂

通壯氣消長劍遙懷入短吟東華車馬客不解鳥投林

論我何蹤跡知應笑子陽途窮難去住道合重商量敝

篋龍韜毀名山蠹簡香刺船從爾往漁釣水雲鄉

春水碧如雲停杯且送君湖山遲後約風雨惜離羣自

昔通儒重於今世議紛麟經如卒業異義幸相聞君著

秋理辨五十

餘卷未協定

秋夜宿式古居

多謝青燈意深宵尙炫然孤螢鳴斷蠶點鼠噉殘編宋
歷新涼味淒清八月天未須鄰笛起已自不成眠

奉和儀徵相國點蒼山畫仙歌

大理石出雲南點蒼中峰明李日華六硯齋二
筆始載之近世遂盛行相國督黔滇時得奇畫
尤多各爲題品撰石畫記四卷板毀於火乙巳
夏郵示屬校重刊輒和卷中畫仙歌寄呈點蒼
山或云卽水經注阿難降天魔波旬於耆闍崛
者是也

君不見耆闍崛山一卷石三百年前未開闢天公欲試

畫仙才故遣南荒顯靈跡香巖馥郁中峰連觀者是佛

畫者仙丹青水墨定何物慘憺寫出壺中天古來畫家

非一手北派南宗異窠臼仙人妙想契化工濃淡平奇

無不有仙人之名不可知仙人之像自畫之有畫仙像一點蒼山

石甚奇荆關董巨慳一見應呼石丈還相師烟雲為筆石

為幃幅幅屏山各殊狀鬱蒸靈氣有時升倒印奇峰滿

天上擲筆忽作雄雷聲此時石破天亦驚波旬讐服昔

薩笑妙香散落花冥冥紫府真人上清宰大興朱文正公嘗謂相國

為紫府真人手把芙蓉泣溟海巖穴搜材聚一編玉軸瑤函

露光彩點蒼青入斗牛墟看畫題詩畫不如石中倘有

仙人降來讀瑯嬛未見書相國舊有瑯嬛仙館為藏書之所

送郭福衡之徐州

孤蓬正搖落，鷺鳥野踟躕。
拔劍出門去，關河風雪俱。
良無妻子累，豈爲利名驅。
策馬重回首，平安憶守株。
若過淮陰市，相逢慎帶刀。
艱難窮士淚，意氣少年豪。
日落黃河凍，雲飛芒碭高。
衙齋應折節，今古幾綈袍。

偕偉甫訪黃鶴樓

金臺熊其光

還訪顧

誕朝

畱飲

有感各志以詩

吾宗老廣文，好客時命駕。
先施予未能，旣來亦往謝。
相約詣黃公，高名播江夏。
駢辭盧駱匹，麗句陰何亞。
訪舊五昔城，扁舟昨方卸。
鴻才夙昔欽，龍性中年化。
開圖索題句，屬題扁舟訪友圖。
意氣抑然下，吾聞交有道。
去莠滋者稼。

獨學寡見聞道廣多假借書生濫朋從標榜求聲價志
得須臾閒相傾事虞詐平生縞紵懷於此頗醞藉三復
結交行狂奴幸無詫

吾黨熊安生奇氣橫九州高才志絕學博覽兼冥搜胸

羅四部書屬目無全牛老矣姚武功

君近從姚丈春木游

乃遇賈

長頭賞奇析所疑雄辨張雙眸下士惡聞道眾口多悠
悠吾聞學在己外物非所求毀譽兩俱忘乃足增姱修
勿以腐鼠嚇輕試吳王鉤

顧君狷介人守身如執玉久疏尊酒懼勸我試新醪僂
指數交游當時頗徵逐今日成晨星各自殊軌躅誰云
口相同乃有嗜昌歆蘭以膏自煎魚亦我所欲方寸苟

自存急流能立足廿載負儒冠何以振習俗把盞一慙然感舊同根觸願保歲寒心無爲交道辱

題高三祝輓紅集卽送入都

十年著述溯周官

君著春秋職官考略用功最久

脫橐新書幾個看笑

逐槐黃跨驢去詩名一日徧長安

代飛燕雁太恩恩

甲辰春君會試入都予適束裝回南

回首前塵似夢中

此去春明春正好酒旗吹滿柳花風

小住南村小園畱別程

文榮

用少陵重過何氏山

林韵

十畝南村地幽棲好著書精心蒐卷軸曠志託蓮廬

自君

題門云吾今舍此

樹古空巢鶴池寬始育魚乾坤本高厚清福

豈難居

言不三

三

老屋同居隘喬柯昔歲移好音鶯喚侶學舞燕將兒列
架花爲壁通波水滿陂卜鄰應鄭重餘事及藩籬

微茫求古意癖嗜孰同時定武蘭亭帖昌黎石鼓詩殘
書珍妙墨僞跡辨游絲獨有覃溪老

君論帖最服膺大興翁閣學

心

香是所期

十日黃梅雨昏昏晝更長提壺倦杯杓瀟茗試旗槍戶

牖多荆棘江湖自稻梁西牕聊坐話暫得傲羲皇

著述期千古成書尙少年儲藏擬清閼結構效平泉俗

眼憎金穴人情作聖田感君能好客此別意惘然

偕錢叔保

熙哲

寓禾城幻居庵坐雨不得出李

善

關孫融楊韵于源何昌治朱大令緒曾輒相過

話雨觀所藏明季諸賢分寫華嚴經墨跡襍記
以詩用少陵重過何氏山林韵時陳碩甫明經
自杭至禾客大令署予至之三日訪之則前一
日去矣故末章及之

得閒聊作客借雨好觀書地僻宜僧舍身安卽我廬落
花驚蛭蟻投餌出池魚多謝諸君意逢人問幻居

南湖臨水閣近局一尊移柳密鳩呼婦沙圓鴨聚兒薄
晴喧午市久雨漲橫陂物候戎葵準媽紅見隔籬

舊雨兼今雨聯歡此一時禪鋒儒入墨景語畫中詩握
策登經席

李君精究中西算術近從碩甫受經

栽花鄙蘭絲

大令宰嘉邑尤培植士類

秋風遲後約白水誓心期

華嚴眞法海妙集眾賢長雷煥雙龍劒哥舒半段槍

墨跡有兩人合書者有殘缺者墨花空色相有一卷女僧書眼福飫膏梁佛力

能逃劫慈悲信覺皇

久別思陳俠星離又十年暫停鴛水榭厭飲虎林泉

客杭最久時歸長洲著述窮詩藪所著詩毛傳已梓成畝畝老硯田代飛

成燕雁交臂悵茫然

華嚴墨海歌

明季諸賢華嚴墨跡本青鎮寶閣僧道琳所集

其後乃移於禾城幻居庵藉石齋有正味齋兩

集皆有詩叔保既觀是跡以爲雪泥鴻爪不負

此游將繪圖以誌其事屬先爲長歌

幻居非幻居非居人生蹤跡鴻泥如鴻飛冥冥爪跡在
誰爲眞實誰空虛小庵下榻偶三宿岑寂恰喜城東隅
老僧手啟祕藏墨花璀璨雲霞舒經八十卷行願一
昔存寶閣今移儲我聞道琳發宏願托鉢分乞名人書
正如善財參法界徧歷國土忘勤劬十方種種善知識
脩證各異精誠胥或宰官身或居士平等亦有僧尼俱
悉以如來智慧力乃至字句無齟齬一點畫閒現佛相
身雲徧覆青芙蓉華藏世界各具足中懸大寶光明珠
照見當時寫經者一一捧筆神懽愉而我開函敬瞻禮
亦見膜手軒眉須妙莊嚴海卽此是何必禮足求文殊

諸公逝世二百載古今相望徒唏歔節概風流尙可想
遺墨寶似千璫琚從來法性本常住豈與世變爲乘除
福緣會合幸相值宿根或者前生餘安知天宮說法際
諦聽不有君與余長歌聊以識萍水漫冀泡影畱須臾

水災行

皇帝二十九年太歲己酉大人占之乞漿得酒何爲春

夏閒日中見斗

解一

三月雨瀾瀾四月不見晴跋鳥晝長

匿魄兔罷夜明

解二

維仲夏月在午日夕沱滂昏黑莫睹

女媧鍊石不敢補商羊嬉嬉跳而舞

解三

風從東來風從

西來風從南來風從北來癡雲漫天吹不開但聞統統

萬鼓聲喧

解四

昨日潮來水長三尺今日潮來水長六

尺潮來不來城中水大於澤

解五

城中水高壞壁倒牆城

外水浩浩潮神退而望洋

解六

爰求低田低田已成江河

爰求高田帆檣歷歷田中過

解七

耕無田居無屋身舟流

家壞木兒飢牙牙向母哭語兒勿哭行與爾葬魚腹

解八

魚腹脹欲死起逐鳥鵲游鼃黿飽殘惠一躍登樹頭樹

下誰家墳磷磷白骨隨波流

解九

鄉民訥訥匍匐哀告太

守及大令願陳災荒下救民命詳大府達

天聽

解十

太守大令相顧而視爲爾祈晴雨當止斷屠禁鮮薹何況

羊與豕邏役如虎狼索錢徧街市

解十一

一雨累兩旬餓

死多良民莠民不死聚眾何仇仇朝行搜索倉困算行

入室殺主人

解十二

再題蔡梅茵

鵬飛

詩藁次見贈韻

歲暑飛騰駛急湍一編猶自付申韓君如鷺羽秋來健
我似低碁局外看飯顆有山嘲杜甫蓬門無客臥袁安
平生不入雲閒社肯效鮎魚上竹竿
瀾翻筆舌拄迴湍楊陸之閒溯孟韓世路平陂隨境換
山容向背任人看轉圜頓覺千言溢入險難爭一字安
到此始知詩律細麤疎故技欲投竿

送蔣

敦復

回寶山卽效其體

歎寄歷落可笑人蔣生所苦不在貧廿年浪迹牛馬走
醉來燒卻頭上巾出門十事九坎坷故態狂奴無一可
號寒已是可憐蟲自謂鳳皇不如我朱門長揖座客驚

拂輓笑倒曹邱生登臺袞袞世亦有視子骨相非公卿
別來七年重識面示我新詩更屢變美人香草不勝情
託意微茫幾人見拔劍斫地歌復歌知音者誰柰爾何
黑風吹海海水立么弦迸入商聲多烏乎丈夫窮達何
足問閉戶讀書良不恨他年出處未可期且著君家萬
機論

送何

昌霖

應試白下兼寄令兄

昌治昌煥

時咸豐

紀元元年

陽鳥吐燄燒天紅何郎觸暑何匆匆紀元首需時雨功
欲以三鳳鳴咸豐尊中有酒清若空酒酣贈別忘蘊隆
看山一路東南風江濤八月秋正中枚乘妙筆兄弟同

言有三
我畏鞭策如嬾龍看君去作摩天鴻

紡績行爲千節婦作

金山千金粟婦金氏節孝撫孤勤於紡績道光
壬寅婦年七十三子皆娶婦生子矣績仍不輟
謂其子曰自吾爲汝家婦手紡木棉以兩計者
幾五萬矣越二年卒啟其笥惟斷羅零絳鋌森
森耳平湖陸錫智爲之傳先以乙未冬有司
題請綽楔同時被旌者有盧勝來妻沈德華
妻皆千氏爲婦兄公云

婦姓金本土族適千氏諱金粟學何劬算則促黃口在
室白頭在堂年未三十夫竟亾夫亾不亾妾身在上無

飢寒下無餒吉貝之白如妾心日出而作至夜深千條
萬條手不斷千緒萬緒心不亂貧家有書讀不成母也
紡績兒治生五十年來五萬兩翁姑已葬孫已長傳家
母訓更無多滿篋遺嫌意堪想烏乎黃道婆丁娘子清
節畱名類如此君不見沈盧兩婦旌表同金粟之姊
婦女公

題畫冊六首送青浦錢明府

德承

爲胡庶常

履吉

作

清霜灑百草秋氣方含辛使君單騎來闔境回陽春習
俗無醕醢轉變由仁人數言問疾苦民志固已申

安撫

下車

軍興迫三年賦稅豈不急奈此饑饉遺敲扑嗟何及官
倉十石儲編戶千人泣豐稔亦有期流亡庶幾集

緩征

請命

邑宰親民官要在別良莠除良未安賴我慈父母念
茲創痍深煦嫗一何厚官心卽民心非徒恃梁糗

災黎

撫恤

扞衛非具文寇燄猶未熄身家爾宜籌守土我盡職消
彼獷悍心作其忠義色忠義誰則無感君激勸力

鄉兵

團練

士者冠四民爲治首所係豈曰兵燹餘文教姑緩計人
生誦詩書所貴明大義悠哉養士心亦以靖民氣

重興

文教

九峰鬱茵茵
泖水清且漣
慈雲孕膏澤
覆育方期年
霖雨不我私
欲去彌海堧
安得駐雲車
長此青溪邊

青溪

祖道

楊燦

祖母九十壽詩

甲寅重九日

月亦九日亦九松子糕菊花酒
阿孫捧觴爲母壽
母年今九十康健勝阿娘
食不噎背不偻其天全者其福厚
當時隨阿翁歷官浙左右
阿翁性豪邁施予徧戚友
母也脫簪珥親操井與臼
堂前宴客室內紡績不停手
翁沒三十年田廬無一畝
阿孫傭書苦奔走受恩者何人
報德者誰某阿母喟然歎
往事吾何有吾年今九十閱

歷頗已久榮華烜赫凡幾家白衣紛紛變蒼狗但願爾
曹讀書知禮法世德相傳堪不朽貧賤何足云賢達必
有後含飴撫重孫啞啞笑開口阿孫鞠脰三頓首請歌
此詩獻一斗

乙卯新正禡感

平安又喜入新年一串春聲爆竹連循例衣冠聊謁拜
娛情金鼓遽喧填市頭菜價高於肉牆角梅魂瘦似烟
見說三朝逢雨水昭蘇或冀轉低田

頻年愁潦忽愁乾望雨終虛雪亦難拔木祇聞風拗怒
放晴旋見霞闌珊人間薺麥無遺種天上星辰有列官
如火縣符催折色新正石價又加寬

紅巾到處竄游魂此輩么麼久處禪浮海水仙終漏網
跨江山賊尙當門傾家助餉鄉民願計產書捐大吏恩
又是上元燈火近可無良策取崑崙

萬事紛紛付一杯殘書數卷北牕開酒龍我自空山臥
風鶴人憑越境猜老去心情惟習靜醉餘詩句不成裁
癡頑絕倒閭兒女奪朱謹呼鼎甲來

嘉興襍詩

乙卯九月偕錢叔保再寓幻居庵

每到南湖聽雨忙者番喜見夕陽黃菱歌漁唱都休歇
杯茗恩恩勸買糖

七載饑荒小劫愁沙灘會記繫扁舟幾行疎柳楊家閣

悄立西風認舊鷗

楊韵水閣昔會游之今易王矣

淺水平橋訪幻居老僧迎客笑軒渠憑闌又動濠梁興
梵唄聲中看飯魚

行李蕭然兩故吾又從蘭若借團蒲明賢墨寶渾無恙
先喜斯遊定不孤

秋樹蕭騷景不同夫容幾朵學春紅遊魚也解枯禪意
一任酖顏映水空

物我原無執兒存一花一蟻佛同恩刹那共證華藏海
五十三參總鈍根

昨從長史墳邊過今向杉青牖畔遊試上落帆亭子望
敗荷殘柳一般秋

大僕祠邊看舞蛟森然頭角儼騰捎更無人舉蛇蟠字

漫仿青蓮賦解嘲

徐太僕祠舞蛟石朱竹垞太史改名蛇蟠自謂擬太白更九子山例賦詩

紀之然今人但知舞蛟石

爲愛幽居嬾出門佛香經卷數晨昏談詩讀書無爲子

謂揚風雨時來共酒樽

一鶴東飛無短李

李善蘭壬叔昔館禾城今遊滬濱

孫郎閉戶學維摩

孫融久病不出

少年別有陳驚座

陳鴻誦曼壽

肯逐閒鷗日至麼

寶匱莊嚴結勝因妙香薰徧絕纖塵十年願力能堅固

此卽如來不退輪

叔保昔嘗發願作二匱以貯明賢所寫華嚴經至此始成

廿日茆庵坐嘯歌不知人境有干戈歸橈暫向溪橋泊

爭說城廂盜賊多

病瘡駸羸作此自嘲亦自解也

東坡嗜花豬未免食肉相我生本老饕舉箸必滿量鶴

背苦太豐豕腹得無脹宜遭西士嗤君輩豈裘樣予與

王叔皆體肥英吉里士人艾約瑟嘗曰冬來疾且疢見

食輒惆悵俗說多顧忌鮮肥遂久曠胃弱腸亦枯納少

神不旺臞然此皮骨畏與枕席抗攬鏡長咨嗟面目何

大喪疢鬼旁揶揄斯語殊孟浪世人貴錢刀君獨游澹

蕩世人競功名君獨高自放何用貌團團真面毋乃忘

爲君易毛髓離彼塵土狀長齏亦可飽野菽亦可餉要

令絕腥臊洗剔到中藏庶幾冰雪腸勿受五濁障間言

謝二豎藥石惟汝仗一笑熱已除我疾固無妄

和黃小田儀部

富民

吳江道中遇雪九言

憶我去年秋九遊嘉禾天時尙暖雨少晴日多誰知歸
舟遽遭二豎侮四閱弦望疔疾猶未瘥塞向墮戶有如
蟄蟲蟄滿冀新正氣轉回陽和不風卽雨不雨卽大雪
助鬼爲虐天意毋乃苛忽聞故人正在玉山道扁舟襍
被柰此嚴寒何二十六日清晨叩門急山陰返櫂特地
來經過披衣出見相視各大笑是翁豐鑠不飲顏自酡
蘇臺小住卻復遊構李渡湖冒雪擊楫還高歌盤空硬
語詩骨一何健少陵奇句幾欲銷沈疴瑤天玉戲似爲
乃公設要使蓬胸破寂資吟哦山村水郭盡入水精域
平林遠樹錯落皆瓊柯洞庭烟鬢隱隱七十二遙知此
際亦復頭俱皤便欲與翁同舟作李郭洞天林屋攬勝

舉藤蘿武陵桃源或者在人境一竿垂釣戴笠披漁蓑
日對茫洋三萬六千頃蕩滌心目耳不聞干戈不然潛
師入蔡學李愬軍聲殺雜那辨鴨與鵝短兵隘巷但見
髑髏墮熱血洒地白雪成紅波然犀燭水誓令魑魅絕
溯流直上鞭策龍鼉雪銷凍解還我諸郡邑肅清楚
粵乃至江淮河樓船鼓吹送君返姑孰君本當塗籍居蕪湖避寇來此
坐看青山白苧仍嵯峨圖書金石檢點各無恙失喜紛
紛眾說皆傳訛譎言嚙語陽氣見大宅拔劍斫地眼已
無么麼翁聞我言起立長太息書生習氣往往同曰科
須臾客去依舊擁衾臥夜闌寬句病眼還摩挲隆隆大
聲忽發在西北盤旋乃若巨磬艱磋磨是夕所聞如是或見有星如斗

自東南墮西北云

或云天狗隕地賊氣盡震雷一擊指日摧羣

魔快然放筆遂效郢人和尖叉險韵無力追東坡

和小田訪楊韵元韵

長塗風雪峭寒天訪友南湖路渺然一塔瘦如拳鷺立

幾家深住白鷗邊便逢野店同酣飲絕勝孤蓬獨醉眠

畫入吳綾堪易酒何須更問杖頭錢

楊君工六法

丙辰春暮僑屋張溪小田來見予壁閒自撰聯睡

起笑捫王猛蝨狂來驚走葉公龍句遂足成一

律見貽次韵荅之

一室惟求膝可容荒園儘我種杉松論才未敢窺袁豹

把臂何嘗許董龍千萬買鄰徒結願三年作客去奚從

小田客此
已三年

莫言彼此同巖曉猶勝梁君廡下春

詠史一首四沓前韵

一疏危言聖主容黃茅白葦見孤松爭營月窟憐龔兔
獨向天門效燭龍是否空歎終有補依然法語得無從
徙薪曲突須與事早遣資糧辨宿春

病甚戲作自輓五沓前韵

先秋蒲柳見衰容駐景難求五粒松豈有文章如虎豹
或憂太歲在蛇龍何煩北斗名重注便往西方意未從
祇是湖山清夢孰連夕夢至西湖叢巖坐聽玉泉春

病勢漸疎而天氣久早有涸轍之虞六沓前韵寄

小田

未教奪席主夫容還伴人閒竹柏松起死有方來扁鵲

時服何昌治方呼天無術捕乖龍詩壇暑暍降旛豎以前詩三首寄小田

未見和酒壘秋高執弭從只恨相如猶病渴鳴檐那得

夜泉春

和小田望雨不得八沓前韻

抗疏何人效孟容唐貞元十九年夏大旱給事中許孟容疏論時政只愁枯槁

到雲松泥塗枉自勞秧馬酒脯羞看享土龍舊雨不來

風可訟晨星易落月虛從自今日午初至明日午正月離於畢在下弦後日加辰月

方過中也林泉向羨山居樂見說連朝斲水春

和小田生朝志感次原韻

雪入吟髭又數莖老來佳句勝陰鏗年隨逝水奔騰去

詩共窮愁宛轉生家國音書供殢酒雲霓望眼夢銷兵

呼兄且受荷花拜

俗以六月二十四日爲荷花生日原詩有笑先荷花二日生句暫借

甯杯祝太平

雜得近報感賦十省前韵

纔聞寇騎退句容警報傳來又獨松

獨松關在安吉州爲通廣德要道

有日燎毛殲豕蝨何人探睡取驪龍捐輸計口憑要挾

盜賊平心半脅從四載可憐吳楚地沿江邨落罷炊春

七月十三夜雷雨不及刻無以救旱小田用梅都

官苦熱詩韵索和因卽其韵荅之

殷雷起南山女魃宵遯逃滂沱不周刻忽復屯其膏長

官急催科指摘窮吹毛吁嗟蒼生血涕泣空沾袍天時

及人事感應爭釐毫朱厭與肥蠅同惡相輩曹誰能挽
天河令若疥見搔晨興看雨景赤日東方高

復旱仍用梅都官韵

秋旱甚於夏酷烈無所逃天公慳雨澤金石徒流膏田

禾苦焦灼赤地生長毛

地生毛如人髮有黑白紅三色

蠹蠅圍晝夜絺

綌如緼袍夜露雖繁滋所及能幾毫屏翳與豐隆上界

戶官曹農瞽雜歌哭入百首屢搔舉頭望天畢又見殘

蟾高

前月二十六七兩日月離於畢今又轉終矣

和小田書悶用前韵

醉鄉自有樂匪託昏冥逃廢耳目且黜聰不食嗟雉膏腹
菜不踏羊葫蘆聊去毛閉門臥索句久已忘鞞袍跌蕩

萬古心禿盡千兔毫雖爲異鄉客差勝隨馬曹祇餘塊
壘胸耿耿難爬搔誰謂杜季良不如龍伯高

和小田感事用前韵

吾欲謁仙闕放杖歌董逃白兔擣神藥煉此續骨膏救
彼下土人辟穀身生毛遙見雲中君顛倒赤霜袍舉手
摘天錢析利窮纖毫道間雷公死舌撝諸仙曹猶然蔡
經背妄想麻姑搔東海已揚塵何處尋琴高

勸子用前韵

爾年過志學勿效村童逃要思古之人繼晷還焚膏讀
書恃天資所得終皮毛有如裘敗絮裹以宮錦袍舉筆
動輸人所挫豈一毫不愼亦不啟此正謂汝曹溫故乃

知新紉繹母憚搔不見蕉有心日夜能自高

閒居用前韵

閒居學灌園避跡如藏逃營營鮑魚肆那得婆律膏
飲鴆冒鳳皇不如烏鵲毛蛛絲織單縠不如麤布袍良無
背後眼敢現眉閒毫吾齒漸衰朽無力隨兒曹病餘膚
體弱塵垢滿一搔殘書甘送老敝戶非鳴高

小田見過畱宿夜話次韵

不嫌三徑半榛蕪坐有黃公興不孤得句無煩入义手
憂時又白數莖須幾多老伴成蛩蟹一輩英年自俊廚
往復聯吟聊適意憑他眾口論王盧

清風明月助宵談世味何如酒味甘洞腹容人甯止百

枯腸舉醖不勝三有時嬉笑還當哭未免嗔癡但絕貪
老去子雲能解事年來冷暖已深諳

送何

昌治

之郡用梅都官韵

閉門卽深山何必虛空逃芳蘭苟善匿誰得煎其膏
文鳥困雕籠豈不由羽毛古人知此意肆志輕冠袍
壯士萬金劍才人五色毫長材各乘運錄錄非其曹
溪干送君別心瘡不可搔閒雲莫出岫木落秋巖高

次小田偶成韵

擾擾物情安所營乘機彼亦一時榮青蟲作繭圖速化
小草拔心甘倖生貴賤何常金享帚江河日下公慙卿
漁樵與汝訂偕隱不願世人知姓名

張鴻卓用龍字韵見贈仍沓韵訓之

老去依然有睂容風裁真是後凋松到來幸未門題鳳

前次見訪不值相見何當劍合龍檢點楹書傳大子君孫犬兒頗能讀書

消磨宦興託牛從懷人更動空山想見懷詞有擊擊

節高吟應牘春

沓韵訓董兆熊

殘花病葉作秋容偃蹇空庭獨撫松節序遷流忙燕雁

天心曼衍戲魚龍兵荒滿目徒咨歎風雨懷人孰過從

時君在玉峰何物書生消俊福雙弓連日煮新春

題耐寒圖

一片危磯一釣竿乾坤如夢正嚴寒閒鷗宿鷺都無迹

只付漁翁醉眼看

小閣圍爐獸炭紅
高齋楫楸樂冬烘
誰知鐵笛扁舟夜
月滿江天雪滿篷

問小田疾

去年九月吾始病
問疾勞君心
恹恹可憐二百六十日
乍似麤麤脫機穽
今年九月君復然
屈指殘冬歲將竟
雖聞康頗飯差健
無奈左師足難撐
知君初起僅脾泄
過服寒涼患乃更
病非徒瘡又類辟
酒本傷中下歸脢
我淹郡城近九旬
店鬼復來時苦清
說文清寒也呂氏
清寒蓋即冬溫夏清之清今素
問諸清字亦並從水疑古通用
或言要務在戒口
叵耐老鑒不改性
中年以往體就衰
那得飛揚比強盛
護持

猶慮元氣薄，斲削何堪外。邪併已令羅，服冒人參又。向
粗工託性命，有如唐宋在中葉。根本已虛無，善政宦官
煽惑方鎮，驕盜賊羣飛敵國。橫庸奴泄沓效模稜，姦慝
紛更竊魁柄。斯時誰爲醫國手，材德庶幾綱與晟。內安
鳩毒外聽讒，用舍乖方終不競。我年五十君過十，嗜好
酸鹹頗季孟。崔楊倡和附松陵，元白聯吟號長慶。爾來
契濶頻寄書，調攝異宜每相諍。麴生來謁姑請辭，麥末
雖甘暫當屏。必郢切豈能結習忘筆硯，慎勿深宵對燈檠。
破除抑塞先治心，調劑溫涼在持平。皮命切一枝且自寄
鷓鴣，兩角看渠鬪梟獍。近傳賊勢漸解攜，武漢同收楚
氛淨。長圍兩載城郭空，異二威神施號令。何當吹入江

左右猛士長驅大風勁沈疴一起百瘡消我汗浹然君

亦輕

牽正切

作詩火速馳報君掀髯去聲還應嗤瘦硬